

**Chirchiq davlat pedagogika
universiteti “Tasviriy san’at va
dizayn” kafedrasi p.f.n. professori
Baymetov Botir Boltaboyevich taqrizi
ostida**

**Ismatov Ulfat Shuhratovich
Chirchiq davlat pedagogika universiteti
“Tasviriy san’at va dizayn” kafedrasi
dotsent v.b. +998909306091,
ulfat.shuhratovich@gmail.com,
<https://orcid.org/0000-0002-9600-5441>
Mirzovaliyeva Firuza Xurshed qizi
CHDPU Tasviriy san’at va muhandislik
grafikasi ta’lim yo‘nalishi 2-kurs talabasi.
+998941600216
Tojiboyeva Omina Bahtiyor qizi
CHDPU Tasviriy san’at va muhandislik
grafikasi ta’lim yo‘nalishi 2-kurs talabasi.
+998933774304**

QALAMTASVIR MASHG‘ULOTLARIDA O‘QUVCHILARNI UY-RO‘ZG‘OR BUYUMLARIDAN TASHKIL TOPGAN NATYURMORT KOMPOZITSIYASINI TASVIRLASHGA O‘RGATISH METODIKASI

Annotatsiya: Ushbu maqolada tasviriy san’at mashg‘ulotlarida o‘quvchilarni uy ro‘zg‘or buyumlaridan tashkil topgan natyurmort kompozitsiyasini tuzish, qalamtasvirda natyurmort kompozitsiyasini tasvirlash bosqichlari metodik izchillikda ko‘rsatib o‘tilgan.

Kalit so‘zlar: Natyurmort, yorug‘-soya, tasviriy san’at, qalamtasvir, uy-ro‘zg‘or buyumlari.

МЕТОДИКА ОБУЧЕНИЯ УЧАЩИХСЯ ИЗОБРАЖЕНИЮ НАТЮРМОРТНОЙ КОМПОЗИЦИИ, СОСТОЯЩЕЙ ИЗ ПРЕДМЕТОВ БЫТА, НА УРОКАХ

Аннотация: В данной статье в методической последовательности показаны этапы обучения учащихся на уроках изобразительного искусства составлению натюрмортной композиции, состоящей из предметов домашнего обихода, изображению натюрмортной композиции карандашом.

Ключевые слова: Натюрморт, свет-тень, изобразительное искусство, карандаш, предметы быта.

METHODOLOGY FOR TEACHING STUDENTS TO DESCRIBE A STILL LIFE COMPOSITION MADE UP OF HOUSEHOLD ITEMS IN PENCIL DRAWING SESSIONS

Annotation: In this article, the stages of drawing up a still life composition, consisting of household items, describing a still life composition in pencil, are shown in methodological consistency in fine art training.

Keywords: Still Life, light shade, fine art, pencil, household items.

Natyurmort tasviriy san’atning o‘ziga xos mustaqil janri. “Natyurmort” — (nature morte) fransuzcha so‘z bo‘lib, “jonsiz tabiat” degan ma’noni anglatadi va unda ko‘pincha mehnat

qurollari, sabzavot va mevalar, gullar, parranda hamda mayda hayvonlar tasvirlanadi, ya’ni natyurmort san’atda insonning maishiy hayotini aks ettiradi. Natyurmort XVII asrning boshlarida Gollandiyada paydo bo‘ldi. Keyinchalik ko‘plab mamlakatlarga tarqalib, ayniqsa, XVIII asrning o‘rtalariga kelib tasviriy san’atda mustaqil janrga aylandi.

O‘zbekistonda natyurmort janrida ijod qilgan rassomlardan; N. Kashina, Z. Kovalevskaia, Yu. Yelizarov, R. Ahmedov, G. Abdurahmonov, N. Ten, A. Yunusov, A. Mirzayev, A. Ikromjonov kabi ko‘plab natyurmort janrining ustalari va umidli yosh rassomlar tabiat yaratgan nozne’matlarga bo‘lgan mehrlarini o‘z asarlarida ifodalaganlar.

Natyurmort tasviriy san’atning alohida janri hisoblanadi. Natyurmortda shakli, mazmuniga qarab har bir buyumning tutgan o‘mini yoritib berish lozim. Tasvirlanayotgan buyumlarning shakli, rangi, tuzilishi, fazoviy holati jihatdan bir-biridan farq qilishiga alohida ahamiyat berish kerak. Natyurmort mustaqil janr bo‘lishi bilan birga. mavzuli suratlardagi asarlarning mazmunini ochishga ko‘maklashuvchi, uni to‘ldiruvchi vosita bo‘lib ham xizmat qiladi.

Taniqli rassom N.D.Ten ishlagan “Natyurmort”da meva va issiq nonlarda O‘zbekiston quyoshi nurlari jilvalanib turibdi. Mo‘yqalam sohibi asar mazmunini ustalik bilan yoritib bera olgan. Sarg‘ish-qizil mevalarni qizil, ko‘k, yashiltob kabi turli – tuman ranglar bilan uyg‘unlashtirib tasvirlashi tufayli suratning ta’sirchan chiqishiga erishgan.

Alohida mazmunli natyurmort asari yaratish haqidagi fikr rassom xayolida uzoq vaqt davom etgan kuzatishlar yoki biror buyumdan ta’sirlanish oqibatida to‘satdan paydo bo‘lishi ham mumkin. Ijodkor ko‘z o‘ngida bo‘lajak natyurmort yaxlitligicha gavdalanadi. Unga mos buyumlar tanlab, e’tibor bilan joylashtirish haqida fikr yuritadi, xomaki eskizlar chizadi hamda shu eskizlar asosida kompozitsiya tuzadi[1].

Natyurmortning qo‘yilmasini tuzish. ayniqsa, katta ahamiyatga ega. Bajaradigan vazifasini nazarda tutib, natyurmortdagи buyumlar turli holatlarda qo‘yiladi. Natyurmortda tasvirlanadigan buyumlarning o‘chamlari turlicha bo‘lishi maqsadga muvofiq. Kichikroq buyumlar oldinroqda, yiriklari orqaroqda tasvirlanadi. Natyurmort tuzganda uning foniga ahamiyat berish kerak. Qo‘yilgan natyurmortning umumiyligi tusini hisobga olib, ochiq ranglardagi natyurmort qo‘yilmalari uchun qoramitir fon va. aksincha, to‘q ranglardan tuzilgan natyurmort qo‘yilmalari uchun oqish fon tanlanadi. Natyurmort ufq chizig‘idan pastroqqa joylashtiriladi. Shunda buyumlarning fazoviy holati va buyum tekisligi yaxshi ko‘rinadi. Natyurmort to‘g‘ri qo‘yilgandan so‘ng u sinchiklab kuzatiladi. Natyurmort kompozitsiyasini qog‘ozga to‘g‘ri joylashtirish maqsadida qog‘ozdan yasalgan maxsus asbob (videoiskatel)dan foydalanish yaxshi natija beradi. Bu asbob orqali topilgan kompozitsiyaning kichik o‘lchamdagи to‘la xomaki rasmi alohida qog‘ozga chizib ko‘riladi. Rasm kompozitsiyasi topilgandan so‘ng asosiy ish — yangi qog‘ozga buyumlar to‘plamining tasviri chizishga o‘tiladi.

Natyurmort chizganda undagi hamma buyumlarni bir yo‘la tasvirlash lozim. Aks holda rasmida bir buyumning o‘lchami kattaroq, ikkinchisiniki kichikroq bo‘lib, rasm kompozitsiyasi buziladi. Buyumlarning umumiyligi balandligi va enini qog‘ozida yordamchi chiziqlar bilan belgilab olinadi. Natyurmortning kompozitsiyasi belgilangandan keyin qo‘yilmadagi har bir buyumning o‘lchami, shakli (tuzilishi, rangi, yorug‘-soyasi) aniqlashga o‘tiladi, ya’ni natyurmort chizishda umumiyidan xususiyga va xususiydan yana umumiyliga o‘tish prinsipi amal qilinadi. Misol uchun, ikki-uch buyumning tasvirini chizishda buyumlarning o‘lchami jihatidan o‘zaro farqi, oralig‘idagi masofa, soya va yorug‘larning farqi ko‘z bilan chamalab topiladi[2].

Natyurmort ish qog‘ozining o‘rtasiga joylashtiriladi. Oldin katta - kichikligiga ahamiyat berilib, buyumlar solishtirib ko‘riladi, keyin qalam bosilmagan holda ularning tasviri turgan o‘rnini

belgilab olinadi. Tasvirning aniq shakli, ya’ni asar ko‘rinishi topilgandan so‘ng yorug‘lik manbai ham aniqlanadi. Tasvirning muvozanat holatda turishi undan tushib turgan soyaga ham bog‘liq. Tushuvchi soya ham buyumlarning fazoviyligi va qanday materialdan ishlanganligini aniqlashga yordam beradi. Qalamda buyumlarning o‘z soyasi, o‘zidan tushib turgan soyasi uning shakllariga qarab qoralama chiziladi. Buyumlarning perspektiv qisqarishlari hisobga olinib, har bir buyumdagи yorug‘ va soya qoidalariga rioya qilingan holda tasvirlanadi. Keyin natura bilan fon o‘rtasidagi och - to‘qlikning farqi belgilanadi.

Uy-ro‘zg‘or buyumlari natyurmortini chizish rassom oldiga yangi, yanada murakkabroq vazifalami qo‘yadi. Bunda jismlar turli xil shaklga ega bo‘lishi mumkin. Shu bilan bиргаликда ushbu jismlarning istalgan birini geometrik shakllarga o‘xshatishimiz mumkin. Naturadan chiziladigan barcha amaliy mashqlarni bajarish jarayonida qo‘llaniladigan qonun-qoidalar ushbu natyurmortni naturadan chizish davomida ham qo‘llaniladi va kerakli bosqichlarda amalgalashiriladi.

Uy-ro‘zg‘or buyumlaridan tashkil etilgan natyurmortning rasmini chizish alohida va bir guruh geometrik shakllar rasmini chizishga nisbatan ancha mushkul. Bu yerda nafaqat jismlarning nisbatlari va tus munosabatini ko‘ra olish, balki shakl jihatdan turli bo‘lgan va rassomga nisbatan har xil joyda joylashgan jismlarning har birining perspektiv ko‘rinishini aniqlay bilish ham katta ahamiyat kasb etadi. Natyurmortdagi har bir jism boshqalariga bog‘liq bo‘lishi kerak. Shunda qog‘oz yuzasida bir necha tuzilish tarxlari namoyon bo‘ladi.

Uy-ro‘zg‘or buyumlari natyurmort kompozitsiyasini tasvirlashda turli materiallardan ishlangan jismlar yuzasidagi yorug‘-soya kuchini solishtirish kerak. Masalan, metall idishning yuzasini tasvirlash chog‘ida uning shakli va fakturasini to‘liqroq tasvirlash uchun boshqacha xarakterdagи shtrixlardan foydalanish lozim. Rasmida tus munosabatlarini to‘g‘ri belgilash orqali o‘quvchi, jism materialini tasvirlay oladi. Shisha, metall, sopol va yorug‘likni kuchli qaytaradigan buyumlar yuzasiga tushuvchi yorug‘lik o‘zining xususiyatiga ko‘ra juda tez o‘tishi bilan (yuzaning yorug‘likni aks ettirish xususiyati kuchli bo‘lganligi sababli) xarakterlanadi. Bunday o‘tish boshqa materialdan ishlangan jismlarda, masalan, gips, yog‘och va boshqalarda kamroq bo‘ladi. Bunday tasvirlarni ishlashda shtrixlash qoidalariga va tasvir bajarish ketma-ketlikka rioya qilish katta ahamiyatga ega[3].

Quyida natyurmort chizish jarayonini ko‘rib chiqamiz. Tasvirga qo‘yilgan shakllar hajmining dastlabki tahlili kompozitsiyaviy tuzilishini topish. Natyurmortni turli tomonlardan kuzatib yorug‘-soya munosabatlarini hisobga olgan holda, shakl ko‘rinishining eng ma’qul joyi tanlanadi.

1-bosqich. Tasvirning qog‘ozda kompozitsion joylashuvi. Ma’lum formatdagи qog‘ozda natyurmort shunday joylashtirilishi kerakki, unda qog‘ozning butun yuzasi naturani tasvirlashda faol ishtirot etsin. Agar tasvirlanayotgan jism (yoki jismlar guruhi) vertikal yo‘nalish bo‘yicha cho‘zilgan bo‘lsa, tabiiyki qog‘ozning uzun tarafini vertikal holatda joylashtirish kerak. Tasvirlanayotgan jismlar o‘lchami to‘g‘ri tanlanishi lozim. tasvir juda kichik yoki juda katta bo‘lmasligi, hamda u bir burchakka taqalib qolmasligi kerak. Chizilayotgan rasm qog‘ozning taxminan o‘rtasida joylashtirilishi kerak. Har bir alohida holat uchun, qog‘ozning hajmini hamda tasvirlanayotgan jismlar va umumiylashtirish maydonining o‘zaro munosabatini hisobga olgan holda, alohida kompozitsiya tanlashni talab etiladi.



1-rasm. Natyurmort ishslashning 1-bosqichi.

O‘quv mashg‘ulotlarida kompozitsiya ko‘rish maydonidagi tasvir asosida tanlanadi, qog‘oz formati aniqlanib (yoki berilgan formatdagi qog‘ozda), unga rasm joylashtiriladi. Tasvir kompozitsiyasini aniqlash (ayniqsa natyurmort chizish jarayonida) — uning joylashuvini, o‘lchamlari va fonini to‘g‘ri belgilashdan iborat. Yaxshi joylashtirilgan tasvirda, umumiy tasvirning butunligi va o‘zaro munosabatini buzmay turib, hech narsani o‘zgartirish yoki olib tashlash mumkin emas. O‘quv rasmini sifatli ishslash uchun bir necha chizgilarни bajarish tavsiya etiladi. Tasvirni qog‘ozga to‘g‘ri joylashtrishda kompozitsiyaviy **tasvir izlash moslamasi** yordam beradi. Ushbu moslamani yasash uchun karton yoki qalin qog‘ozning o‘rtasidann to‘g‘ri to‘rtburchakli darcha ochiladi va ushbu darcha qog‘oz yuzasiga proportsional bo‘lishi kerak. Moslamani chizilayotgan jismga qaratilgan ko‘z nuriga perpendkulyar holatda ushlab, uni jismga yaqinlashtiramiz, uzoqlashtiramiz va jism qirralarini moslama tomonlariga to‘g‘rilab jismning aniq joylashuvini belgilab olamiz. O‘quv rasmini ishslash jarayonida qo‘yiladigan asosiy talab - qog‘ozda jismlar joylashuvini to‘g‘ri belgilashdan va har tomonidan (o‘ng, chap, yuqori va past tomonlardan) bir xil bo‘s sh joy qoldirishdan iborat. Bunda, shuningdek, jismlarning rangi va ular yasalgan material ham hisobga olinadi, chunki, ular tasvirda tabiiy chizishi kerak. Shu sababli ham natyurmortdagi eng katta jism hech qachon qog‘ozning o‘rtasiga joylashtirilmaydi, balki chap yoki o‘ng tomonda ifodalanishi lozim. Yaxshi joylashtirilgan tasvir hech qachon siqilib qolganga yoki qog‘ozda bo‘s sh joy ortib qolganga o‘xshamaydi. Shuningdek, o‘quv natyurmortida jismlarning nisbatlar qog‘ozda to‘g‘ri belgilanishi kerak[4].

**2-rasm. Natyurmort ishslashning 2-bosqichi.**

2-bosqich. Shaklning konstruktiv tahlili va perspektiv tuzilishi. Natyurmortdagi jismlar tasvirini ishslash chog‘ida, rassom o‘z joylashgan o‘rniga ko‘ra, ularning shakli, nisbatlari va perspektiv o‘zgarishidan kelib chiqishi kerak. Dastlab jismlarning umumiy ko‘rinishi yengil chizgilar orqali belgilab olinadi, chegara chiziqlari chiziladi va ushbu chiziqlar doirasida barcha jismlar tasvirlanadi. Jismlar joylashgan tekislik yuzasi ko‘rsatiladi. Shundan so‘ng bir-biriga bog‘liq ravishda barcha jismlar alohida belgilab chiqiladi. Har bir jismning o‘lchami, nisbati va joylashgan o‘rni aniqlanadi. Jismlar nisbatini aniqlash chog‘ida, albatta, solishtirish uchun o‘lchov birligini tanlash lozim. Balandlikni solishtirish uchun o‘rtta yoki kichik jismning o‘lchamini olish qulay hisoblanadi. Jismlar konturini doimiy tarzda oydinlashtirish orqali jismlarning perspektiv ko‘rinishi sinchiklab kuzatiladi: jismlar bir-birini to‘smasligi va ular o‘zaro kesishmasligi lozim. Jismlar orasidagi masofa va gorizontal yuzaga nisbatan jismlar asosining joylashuvi aniqlanadi. Buning uchun natyurmortni **yaqin masofadan, yon tarafдан, orqa tarafдан, tepasidan** kuzatish va jismlarning o‘zaro joylashuvini aniqlash kerak. Har bir jismni to‘g‘ri tasvirlash uchun, ularni proeksiyalash, ya’ni chiziqli konstruktiv yoki shishasimon jism sifatida tasavvur etib chizish kerak. Jismlarning perspektiv ko‘rinishi va shaklining to‘g‘ri ishlanayotganligini kuzatib, uzliksiz ravishda jismlar nisbati aniqlab boriladi. Bunda avvalo katta qismlarning, so‘ngra esa kichikroq - yordamchi qismlarning o‘zaro munosabati oydinlashtiriladi[5]. O‘quvchi tasvirning haqqoniyligini tekshirish uchun molbertdan uzoqlashadi. Bunda oraliq masofa natura va chizilayotgan rasmni to‘liq solishtirish imkonini berishi lozim. Tekshirish davomida natura va rasmga ketma-ket qaraladi va mavjud xatolar o‘sha zahotiyoyq tuzatiladi. Shuningdek, agar rassom turgan holda ishlayotgan bo‘lsa, u molbertdan bir oz uzoqlashib tasvir va naturadagi jismni solishtirishi mumkin. Rasm chizishning so‘nggi bosqichida xatolarni aniqlab, so‘ngra ularni tuzatishga ko‘p vaqt sarflagandan ko‘ra, rasm chizish jarayonining har bir bosqichida uni boshqarib, tekshirib borish tavsiya etiladi.



3-rasm. Natyurmort ishslashning 3-bosqichi.

3-bosqich. Yorug‘-soya munosabatlari yordamida jismlarning hajmini tasvirlash. Jismlarning perspektiv tasvirini ishslash davomida, ularning hajmi, joylashuvi va tushayotgan yorugiik darajasini ko‘rsata olish muhimdir. Bunga turli tus va qalam bosimidan foydalanish orqali erishiladi. Naturaning tus munosabati to‘q, o‘rta va yorqin tuslarning rasmdagi o‘zaro munosabatini, ularning tahlilini ko‘zda tutadi. Bir seansli o‘quv rasmlarda tus munosabatlari yoritilgan va soyadagi yuzalarni tasvirlash, hamda ushbu yuzalarning chegaralarini ko‘rsatish uchun qo‘llaniladi. Rasmda avvalo chegaralar, soya va yorug‘llik engil tuslarda belgilab olinadi. Jismning yoritilmagan yuzasi konturining atrofiga boshqa yuzalarning (devor, mato v.b) aksi tushadi va bu joyga jismning o‘z soyasiga nisbatan yorqinroq tus beri- ladi. Bunda jismlar nisbatlari rasm va naturani yorqin va to‘q tuslar munosbatini solishtirish orqali aniqlanadi. Yorugiik va soya yordamida tasvirga tabiiylik bahsh etish mumkin.



4-rasm. Natyurmort ishslashning 4-bosqichi.

4-bosqich.Rasmni umumiylashtirish. Ushbu bosqichda rasm deyarli tugatilgan bo‘ladi va endilikda rasmni natura bilan solishtirish, keraksiz detallarni olib tashlash, birinchi va ikkinchi darajali qismlarni umumiylashtirish va ishdan umumiy taassurot olish kerak. Yosh rassom uchun natyurmort chizish katta ilmiy ahamiyat kasb etadi. Naturadan natyurmort chizish realistik rasmdagi jismlar joylashuvini to‘liq ohib berish, e’tiborni asosan perspektiv tasvirga qaratish, hamda chiziqli-konstruktiv rasm chizishning qonun-qoidalarini o‘zlashtirish imkonini beradi. Natyurmort ustida ish olib borish o‘quvchilarda yangi ijodiy qirralarining namoyon bo‘lishida katta ahamiyat kasb etadi Mavzuni mustahkamlash uchun o‘quvchilar uyda turli shakllardan iborat buyumlarni tez konstruktiv qoralamalarini tasvirlashi maqsadga muvofiqdir[6].

Predmetga tushirilgan yorug‘lik.

Yorug‘lik jismlarga tushganda jismlarning shakli paydo bo‘lib, jismlar to‘g‘risida tasavvur hosil qiladi. Jismning soya-yorug‘ qismlarida yorug‘lik xar xil farqlanadi.

Bu qo‘yilmadan asosiy maqsad - turli buyumlami tus vositalari orqali tasvirlash, buyumlar shakli, rangi, tuzilishi, fazoviy holati jihatidan bir-biridan farq qilishiga ahamiyat berish. Qo‘yilmadagi buyumlamning o‘lchovlari turlicha bo‘lishi maqsadga muvofiqdir.

Kichikroq buyumlar oldinroqda, yiriklari orqaroqda tasvirlanadi. Natyurmort kompozitsiyasini to‘g‘ri topish maqsadida alohida kichik o‘lchamda xomaki tarzda chizib ko‘riladi. Rasm kompozitsiyasi topilgandan so‘ng, asosiy ishga o‘tiladi. Qo‘yilmani chizganda undagi hamma buyumlami bir yo‘la tasvirlash lozim. Aks holda rasmda bir buyumning o‘lchovi kattaroq, ikkinchisiniki esa kichikroq bo‘lib, rasm kompozitsiyasi buziladi. Shuning uchun qo‘yilmadagi barcha buyumlarning umumiy balandligi va eni qog‘ozda yordamchi chiziqlar bilan belgilab olinadi. So‘ng naturadagi har bir buyumning o‘lchov jihatdan o‘zaro farqi, oralaridagi masifa, soya va yorug‘larning farqi, ranglarini ko‘z bilan chandalab aniqlashga o‘tiladi[7].

Qo‘yilma ufq chizig‘idan pastroqda joylashtirilgan. Avval uning gorizontal tekisligi aniqlanadi. Gipsli naqsh orqaroqda va balandlikda o‘rnatilgan, mis qumg‘on va sopol piyola oldingi planda joylashgan. Keyin sopol piyola va mis qumg‘onning umumiy shaklini bildiruvchi chiziqlar hamda simmetrik o‘qlar va naqshli gips modelining taxtacha asosi belgilab chiziladi. So‘ngra piyola va mis qumg‘onning ustki, pastki asoslari va naqshning yon tomon yo‘nalishlari perspektiva qonuniyatiga asoslanib belgilanadi. Naqsh gulining turgan joyini aniqlash uchun taxtacha asosi o‘rtasidan yordamchi profil chiziq yuritiladi. Mis qumg‘on simmetrik shakldagi buyum hisoblanib, u silindr va shar shakllaridan tashkil topgan. O‘tkazilgan simmetrik o‘qdan qumg‘onning balandligi hamda enining o‘lchami topiladi. Qumg‘on ufq chizig‘idan bir oz pastroqqa qo‘yilgani uchun uning ustki va ostki asoslari ellips shaklida ko‘rinadi. So‘ngra qumg‘on bo‘yi va enini belgilovchi chiziqlarni tutashtirish orqali umumiy shakl topiladi. Milliy naqsh gulining shakli yirik yaxlit qismidan mayda bolaklariga tomon ketma-ketlikda bajariladi. Taqqoslash usuli orqali bo‘laklarning bir-biriga va umumiy nisbatlari aniqlab boriladi. Bu bosqichda buyumlarning ko‘rinmas chiziqlari ham chiziladi. Bu usul buyumlarning fazodan o‘rin olib turganini ko‘rsatishda talabalarни yanglishtirmaydi. Buyumlarni chizish yorug‘lik va soya qoidalariga rioya qilgan holda amalgalash oshiriladi. Albatta, naturadagi buyumlarning o‘rtasidagi och-to‘qlikning farqini saqlagan holda hamda materiallik fakturasini ko‘rsatib tasvirlash kerak. So‘ngra oldingi va orqa planda joylashtirilgan buyumlarning tus munosabatlari umumlashtiriladi.

Turli predmetlardan tashkil topgan natyurmort an’naviy usulda qo‘yilgan. To‘g‘ri o‘rnatilgan yorug‘lik muhiti hosil qilinib, natyurmortdagи shakllarni ifodali ko‘rinishiga yordam beradi[8].

Natyurmort ishlaganda undagi predmetlarning umumiy shakli chiziladi. Keyin kompozitsiyadagi buyumlar aniq detallar bilan ishlanadi.

Foydalanimadigan adabiyotlar ro‘yhati

1. Boymetov B. Qalamtasvir. Darslik “Musiqa” nashriyoti -2006. 74-76 betlar
2. Paul Thomas, Anita Taylor. Drawing, London-2011, 223-263-264-betlar
3. X.X.Muratov. Qalamtasvir, o‘quv qo‘llanma, Toshkent IJOD-PRINT-2020y
4. Boymetov B «Qalamtasvir» Pedagogika institatlari va universitetlari talabalari uchun o‘quv qo‘llanma. Toshkent, “Iqtisod-Moliya”-2010. 59-63 betlar
5. Brington Barber “Full course of the drawing”, Barselona-2014. 40-57 betlar
6. Shuhratovich, I. U. (2020). Technologies of working on graphic materials in fine arts classes (on the example of working still life in the pen. European Journal of Research and Reflection in Educational Sciences, 8 (4), Part II, 41-45.
7. Ismatov Ulfat Shuhratovich. Technologies of Working on Graphic Materials in Fine Arts Classes. Journal of Asian Multicultural Research for Educational Study ISSN: 2708-9703 Vol. 1 No. 2, 2020 (page 001-004)
8. U.Sh.Ismatov. Rangtasvir. O‘quv qo‘llanma. “Nazokathon ziyo print”. Chirchiq-2023.